


卷二百廿三廿の

対



五本 卷廿三の

物異

五

續文獻通考卷之二百二十三

皇明進士雲間王圻纂輯

物異考 水電 至 人異

水電

宋

寧宗嘉定十五年九月雷大雨電

理宗紹定元年五月丁酉雨電 五年七月甲辰雨電

端平二年五月丙申雨電 三年七月大雨電 景定

元年正月庚申雨電 二年六月丙午雨電 嘉熙三

年三月癸巳雨雹 寶祐四年二月戊午雨雹

時吳昌裔論四陰證其畧曰竊見立秋以來常陰為為
沴先一日大雨雹越翼日暴風至淫雨不止至於旬時
蚤禾壞于垂成晚稻傷于既穎豐稼之候轉而凶荒將
恐害于染盛無以供我軍實又聞天目一帶洪浸漂流
水冒近畿是殆為兵為飢之證占書曰雨雹陰脅陽也
霽雨陰干陽也方金火之交而厥罰常雨此非陰盛陽
微之兆乎夫臣者君之陰也妻者夫之陰也小人者君
子之陰也夷狄者中國之陰也且自聖上攬權之後固

無昔日擅命之臣惟威令積弱不能以運掉三邊紀綱
寢頽不能以操制諸將習强者方命怙寵者玩威第功
賞者多肆于誕誣報軍書者輒輕于狎侮偏裨擅離部
伍而不知有國法士卒敢陵州縣而不知有朝廷積是
弱形漸不可長此非將帥之權太盛乎方國步艱難之
日正君心恐懼之時而道路流言竊議聖德謂宮廷宴
飲頻為過差房闈妃嬪多著位號知書近侍以奇功而
移上意私謁衰民以險陂而通外交甚至外廷之除授
或倚于幽陰帥柄之請求輒通于中禁牽于柔道職是

續文獻通考 卷之三百三十三
厲階此非女寵之謁太盛乎端平人才之盛藹然有小
元祐之風不二二年初意漸變君子則厭薄以為無益
小人則愛惜以為有才三凶囑托以潛歸二孽覬覦而
再起不惟昔之所斥者復乘隙以求進而今之所擯者
亦旋踵而得遷旁起多門自塞正路此非舊人復用之
漸乎韃虜憑陵中夏蓋非殘金之比初犯蜀口五郡為
墟繼犯荆襄十州如燬將士征行而不得卧婦孺流徙
而不得歸欲戰則恐事力之不強欲和則慮情款之未
實又况唐鄧均睦之寇導之以扣江秦鞏松維之族誘

之以幹腹內外受敵殊可寒心此非夷狄竊發之證乎
凡此四端是皆陰類事形于下則變見于天證象孔昭
警戒甚至陛下代天作子者也所宜昭德塞違以回滄
怒之威大臣佐理陰陽者也所宜開誠布公以消乖沴
之氣陽明勝則德性用陰濁勝則物欲行消長之机正
宜凜凜今大昕坐朝間有時不視事之文私第謁假或
有時不入堂之報上有耽樂愒逸之漸下無恊恭和衷
之風在內則嬖御懷私以為君心之蠹在外則弟子寡
謹以為朝政之累游言噂沓寵賂彰聞欲以此銷鑠群

續文獻通考 卷之百二十三
三
慝呼吸太和得乎昔建炎三年六月陰雨不止高宗罪
已求言宰執引咎求去郎官以上皆許言朝政得失時
中書舍人李陵以三陰之說應詔謂能制將帥之謂剛
能抑官寺之謂正御史中丞張守亦以三陰之說抗疏
願嚴恭寅畏以脩其德更選任輔弼以脩其政上下動
色祇畏明威卒扶炎精之光以基中興之盛皆自高宗
君相一念抑畏中來也臣愚欲望陛下仰繩祖訓謹
天明遠聲色戢官寺以清宅心之源進忠良斥姦回以
公用人之柄申明典章以重御將之法謹固封守以嚴

備敵之防而二三大臣各一乃心各和乃政通宮中府
中為一體毋使陟罰之異同合在邊在廷為一家毋使
細大之偏重如此君臣合德中外草心未有不轉灾青
而休祥易陰蒙而陽霽天下事變亦當陰消潛弭而不
足憂矣

虞儔應詔上封事曰臣聞陽奮則為雷為電陰凝則為
電為雪方陰陽之相薄則雷電皆至及陽為陰所勝則
雷止而雪作魯隱公九年三月自癸酉大雨震雷至庚
辰大雨雪凡八日劉向以為周三月今正月也雷電未

可以發既發則雪不當復降是皆失節故謂之異吳太平二年三月甲寅大雨震電至乙卯大雨雪纔二日耳史臣以為先震電而後雨雪陰見間隙起而勝陽其後禍亂之應有若符節往牒具載良可畏也今正歲之始建寅之月三陽用事于卦為泰自戊寅之庚申雷電雪電俱作于三日之間視魯則數視吳則疎臣願陛下以往事之驗為方來之鑒警懼脩省以答上天仁愛之意則災異塞于上禍亂伏于下在陛下一念之頃耳臣又聞朝廷者陽也宮禁者陰也日昃乎晝月昃乎夜而寒

暑成天子理陽道后治陰德而後國家理若宮禁之中宴飲之不節則非所以崇慈聖躬賜予之不省則將至于空虛內藏女謁行乎內權勢行乎外尤不可不防其微而杜其漸也有一于此則雷雪之變乃上帝所叮嚀陛下之意也不求之身是無應天之實天怒愈深矣至於勲戚貴近時有濫賞倡優伎藝每蒙宣引宮門啟閉多不以時豈所謂嚴等威肅宸居哉臣願陛下畏天之威謹正始之道宗社幸甚臣又聞君子者陽也小人者陰也自古君子小人勢不兩立君子在內小人在外于

續文獻通考 卷之三百三十三 五
卦為泰小人在內君子在外于卦為否今朝廷清明多
士濟濟有官守者修其職有言職者盡其忠乃建寅之
月三陽在內宜泰而否意者在外小人交結黨與潛謀
進用如某人輩臣願陛下觀拔茅連茹之象以進君子
戒履霜堅冰之漸以退小人毋使鶚鷺並棲薰蕕共器
則天意解矣臣又聞中國者陽也夷狄者陰也自古夷
狄之強弱常係中國之盛衰今國家南渡甲子已逾一
周胡運將終朝野咸意中原可復近者邊報傳聞信否
雖未可知第講和日久邊備廢弛意者將有奸雄潛萌

不肖之心窺伺間隙或恐讐耻未復而唇齒先寒候景
之事可為深慮臣願陛下明詔大臣遴選逐路帥臣俾
之先事經理以備不虞

遼聖宗統和十六年雨水冰

天祚帝乾統三年七月中京雨雹傷稼

金海陵天德三年十二月己丑雨水冰

世宗大定八年二月甲子北望淀雨雹廣十里長六十里

十一年六月戊申西南路招討司必里海水之地雨

雹三十餘里小者如雞卵其一最大廣三尺長丈餘四

五日始消 二十三年五月雷雨電

章宗承安二年六月丙午雨電 四年三月戊午雨電

泰和四年正月壬申雨木冰 十一月丁卯雨木冰凡

三日 八年四月甲午雨電

宣宗貞祐元年十二月乙卯雨木冰 二年十二月己酉

雨木冰 興定元年四月單州雨電傷禾 五月延州

原武縣電傷稼 三年十二月壬申雨木冰

哀宗正大二年四月京畿大雨電 五年四月鄭州大雨

電桑柘皆枯

元世祖中統二年四月雨電大如彈丸 三年五月順天

平陽真定河南等郡雨電 四年七月燕京昌平縣景

州滹縣開平路興松雲三州俱雨電害稼 至元二年

八月彰德大名南京河南濟南太原等郡雨電 四年

三月夏津縣大雨電五五月衛地大雨電六月中山大雨

電 五年六月中山大雨電 六年二月興國雨電大

如馬首殺禽獸七月西京大同縣雨電 七年五月河

內縣大雨電 十二年十二月己亥雨木冰 十五年

閏十一月海州贛榆縣雨電傷稼 十六年保定等二

二餘路雨雹害稼 十九年八月雨雹大如雞卵 二十年四月河南雨雹害稼 五月安西路風雷雨雹

八月真定元氏縣大風雹禾盡損 二十二年七月冠

州雨雹 二十四年西京北京隆興平藥南陽懷孟等

路雨雹害稼鞏昌雨雹 九月大定金原高州武平興

中等處雨雹 二十五年三月靈壁縣雨雹如雞卵

害麥 十二月靈壽陽曲天成等縣雨雹 二十六年

夏平陽大同保安等郡大雨雹 二十七年四月靈壽

縣大風雹 六月棣州厭次縣大風雹傷禾黍麥菽桑

棗 二十九年閏六月遼陽瀋州廣寧開元等路雨雹

三十年真定寧晉雨雹 三十一年四月即墨縣雨

雹 七月棣州陽信縣雨雹真定路南宮新河縣雨雹

八月德州德安縣雨雹大風

成宗元貞元年五月鞏昌金州會州西和州雨雹無麥禾

七月隆興路雨雹 二年五月河中猗氏縣雨雹 六

月隆興咸寧縣順德邢臺縣太原交河離石壽陽等縣

雨雹 八月懷孟武陟縣雨雹 大德元年六月太原

崞州雨雹害稼 二年二月檀州雨雹 八月彰德安

陽縣雨雹 四年三月宣州涇縣台州臨海縣大風雹
五年七月暴風起東北雨雹兼發江河泛溢自通泰
崇明至鎮州民被災死者不可勝計 七年十一月雨
水水 八年五月大寧路建州蔚州靈仙縣雨雹太原
大同隆興屬縣陽曲天成懷安白登風雹害稼 八月
營州嵐州交城陽曲懷仁等縣雨雹 九年六月晉寧
冀寧宣德隆興太寧等郡大雨雹害稼 十年四月鄭
州管城縣風雹大如雞卵積厚五寸 五月大雨雹
七月宣德縣雨雹 十一年五月建州雨雹

武宗至大元年四月般陽新城縣濟南厭次縣益都高苑
縣風雹 五月管城縣大雹深一丈無麥禾 八月大
寧縣雨雹害稼斃畜牧 二年三月濟雲定陶等縣雨
雹 六月崞州源州金城縣雨雹延安神木縣大雹一
百餘里擊死人畜 三年四月靈壽平陰等縣雨雹
四年四月南陽雨雹 閏七月宣寧路雨雹

仁宗皇慶元年四月大名濬州彰德安陽縣河南孟津縣
雨雹 六月開元路風雹害稼 三年七月冀寧平定
州雨雹景州阜城縣風雹 八月大同懷仁縣雨雹

延祐元年五月膚施縣大風電損稼并傷人畜 六月
宣平仁壽白登等縣雨電 二年五月大同宣德等郡
雷電害稼 三年五月薊州電深一尺 五年四月鳳
翔府電傷麥禾 六年六月大同縣電大如雞卵
七月鞏昌隴西縣電害稼 七年八月大同路風雷雨
電

英宗至治元年六月武州雨電害稼永平路大電深一尺
害稼 七月真定順德等郡雨電 二年四月涇州涇
川縣雨電 六月思州大風雨電 三年五月大風雨

電拔柳林行宮大木三千餘株

泰定帝泰定元年五月冀寧陽曲縣雨電傷稼思州龍泉
縣雨電傷麥 六月順元太平軍定西州雨電 七月
龍慶路雨電大如雞卵平地深三尺餘 八月大同白
登縣雨電 二年四月奉元白水縣雨電 五月洮州
路可當縣臨洮府狄邑縣雨電 六月興州廊州及成
紀通渭白水膚施安塞等縣雨電 七月檀州雨電
三年六月鞏昌路大雨電中山府安喜縣乾州永壽縣
雨電 七月房山寶坻玉田永平等縣大風電折木損

稼 八月龍慶路雨雹一尺大風損稼 四年六月中

山府雨雹 七月彰德湯陰縣冀寧定襄大同同武應

二州雨雹害稼 致和元年四月濬州涇州大雹傷麥

禾 五月冀寧陽曲縣威州井陘縣大雨雹 六月涇

州湯陰等縣大雨雹大寧永平屬縣大雨雹

文宗天曆二年七月大寧惠州雨雹 八月冀寧陽曲縣

大雹如雞卵害稼 三年七月順州東安州及平棘肥

鄉曲陽行唐等縣風雹害稼開元路雨雹 至順元年

七月平棘行唐二縣雨雹傷稼 二年十二月冀寧清

源縣雨雹丁巳雨水癸亥又雨水永 三年五月甘

州雨雹

順帝元統元年三月紹興蕭山縣大風雨雹拔木仆屋殺

麻麥斃人民 二年三月塞北東涼亭雨雹 至元元

年七月西和州徽州雨雹 二年八月高郵寶應縣大

雨雹是時淮浙皆旱惟本縣瀕河田禾可刈悉為雹所

害凡田之旱者無一雹及之 四年四月清州八里塘

雨雹大過于拳其狀有如龜者有如小兒者形有如獅

象者有如環玦者或長如卵或圓如彈珍瓏有竅色如

雪而堅 五年十一月瑞州路新昌州雨水明年二月
冰始解 至正二年五月東平路東阿縣雨電大者如

馬首 四年正月汴梁路鄭州尉氏洧川河陰三縣及

龍興靜安縣雨水 六月東平陽穀縣雨電 六年二

月興國縣雨電大如馬首小者如雞卵斃禽畜甚多

五月絳州雨電大者二尺餘 八年四月鈞州密縣雨

電大者如雞子傷麥禾龍興奉新縣大雨電傷禾折木

八月益都臨菑縣雨電大如孟野孟無青草赤地如如

赭 九年二月龍興大雨電 十年五月汾州平遙縣

雨電 十一年四月彰德雨電大者如斧時麥熟將刈

頃刻忘失田疇堅如築塲無稽粒遺留者地廣三十里

長百餘里樹木皆如斧所劈傷行人斃禽畜甚衆 十

二年五月文水縣雨電 九月冀寧保德雨水 十三

年四月益都高苑縣雨電傷麥禾及桑 十四年正月

汴河水皆成五色花草三日方解 六月薊州雨電

十七年四月濟南大風雨電 十九年四月莒州蒙陰

縣雨電 五月通州及益都臨朐縣雨電害稼 二十

年五月薊州遵化縣雨電終日 二十一年五月東平

雨電害稼 二十二年八月南雄雨電如桃李實 二十三年五月鄜州宜君縣雨電大如雞子損豆麥 七月京師及隰州永和縣大雨電害稼 二十五年五月東昌聊城縣雨電大者如拳小者如雞子二麥不登 二十六年六月汾州平遙縣雨電 二十七年二月永州大雨電 五月益都大雷雨電 七月冀寧徐溝縣大風雨電拔木害稼 二十八年正月慶陽府雨電大如盂小如彈丸平地厚尺餘殺苗稼斃禽獸 二月汴梁雨木冰狀如樓閣人物冠帶鳥獸花卉百態具備羽

幢朱葆彌望不絕凡五日始解又十日復冰自汴至平
樂皆然不一歲賊陷汴據之

皇明

成祖永樂十二年十一月金水河及太液池冰凝具樓閣
龍鳳花卉之狀奇巧特異 上賜群臣觀之呂震以為
禎祥屢見率百官上表賀不許

景皇帝景泰五年春京師大電 詔求直言御史鍾同疏
請朝 兩宮復 太子下廷臣議會禮部郎中章綸亦
上疏 上怒逮綸考掠詞連同并炮烙刑逼認通謀

南內終不服會大風雨沙下禁錮獄中復封巨挺六擇
六壯士杖之竟斃

憲宗成化五年閏二月癸未廣東漫山縣雨電大如斗
八年七月丙午陝西隴州大風雨電中有如牛者五長
七八尺厚三四寸六日方消 二十年三月甲申江西
新建豐城高安三縣大風雨雷電壞民舍宇民多壓死
孝宗弘治元年戊申夏四月天壽山大風雨電

武宗正德十二年秋九月 上幸大同獵陽和雨電星隕
世宗嘉靖五年七月朔江西南豐縣電大如碗形如人頭

萬全都司電大如甌入地尺許 十七年戊戌夏四月
分是吳城水電是日未刻忽烈風迅雷水電如注其其
大如李中有一竅而四圍皆紋至西陽山一境又大如
斗途人不及抵室或有中其頂及耳而傷者蓋亦有至
死者 三十五年山東沂州電大如盂小如雞子平地
尺餘絳八里人畜傷死無筭 三十七年閏七月淳化
諸縣雨電 三十九年六月初二四川茂州大雪電
秋七月初三茂州又大電

穆宗隆慶元年五月大同大雨電 七月紫荆關雨電殺

秋稼七十里 四月萬全都司大風雷雨電 二年正月二十四日未時遵化縣有黑雲忽起雨水雹小者如彈丸大者如雞子須臾滿地 夏四月初五卯時萬全都司及左右二衛葛峪深井等處白晝晦冥雨雹墜至大者如杯卵小者如棗栗牛羊有被傷者二十六日大同廣昌縣韓村周村馮村賈村三家村浮圖峪木積山等處雨雹大如卵 四年四月宣府大同等處雨雹厚二尺餘大如雞卵禾苗盡傷 五月山東膠州臨朐夏津等縣雨雹損稼 七月直隸井陘縣大雨雹至辛酉

雷擊 圓丘廣利門鷓鴣吻御史王喬桂疏乞修省 五年四月京師大雨雹 五月宣府馬營堡等處大雨雹 常寧等堡大雨雹獨石大雨雹 六年四月昌平州大風雷雨雹

今上萬曆三年十一月十一日京師木冰 十二年夏五月蘇州松江等處大雨冰雹殺傷禾苗花豆不可勝計 二十三年八月十五日寧遠地方冰雹大如雞卵打死牛馬田禾等物 二十八年六月山東巡撫劉易從奏萊州府濰縣于四月十五日天降驟雨水雹大作形

如雞卵平地水深尺餘將所種大小麥苗并粟穀等項
盡行傷壓無存打死男婦王立兒等十名口牛馱不計
其數又兗州府鄆城縣地方東西長五十里南北濶七
八里于二十三日未時大風自西北起拔樹飛瓦大雨
如注水電如拳如斧如卵雜下有二時辰打死牧童趙
差等十二名牲畜驢羊共五十九頭倒毀民居五百
餘間二麥花禾皆為齏粉又濟南府淄川縣于二十四
日水電如卵如碗怪風震雷黑氣冲天磚瓦飄空人皆
抱頭閉戶頃刻間將廟宇司館士民房屋石牆牌坊盡

行毀壞壓死多命大甕七個被風飄去離城五里不損
毀壞民房三千四百七十五間壓死男婦劉溱等十二
名被傷男婦王可智等六十名倒石坊六座廟宇司舖
公署十四處打傷麥田二百九十六頃八十九畝 二
十九年延綏榆林二衛所八月雪電相繼禾苗盡死

恒風

宋寧宗嘉定六年興國大風壞戰艦六十餘 十年春正
月大風十一月如之 十三年大風 十六年鄂州大
風壞戰艦三百餘 十七年鄂州暴風壞戰艦二百餘

理宗寶慶二年七月大風 景定四年颶風

遼聖宗開泰六年六月大風起于蕭德妃塚上晝晦 七

年五月品打魯塊部節度使孛羅申至鼻洒河遇微風

忽天地晦冥大風飄四十三人飛旋空中良久乃墮數

里外孛羅申幸獲免一壺酒在地乃不移 十三年蕭

惠隨車駕征夏元昊邀元昊走路迎擊大風忽起飛沙

眯目軍亂夏人乘之蹂踐而死者不可勝計詔班師

興宗重熙二十四年張孝傑及弟詣佛寺忽迅風吹孝傑

幘頭與浮圖齊墮地而碎有老僧曰此人必驟貴然亦

不得其死後果如所言

天祚帝乾統六年王鼎宰漆水縣時憇于庭忽有暴風舉

卧榻空中鼎無懼色但覺枕榻俱高乃曰吾中朝正士

邪無干正可徐寘之須臾榻復故處風遂止

金

太祖初起兵時遇遼兵于出河店會大風起塵埃蔽天乘

風勢擊之遼兵潰走

熙宗皇統九年四月京師大風雨龍閣榆林河大風壞民

居官舍瓦木人畜皆飄颺十數里死傷者數百人同知

州事石抹里壓死

海陵正隆五年二月鎮戎德順軍大風壞廬舍人多壓死

六年六月夜大風壞承天門鷓尾

世宗大定四年七月大風拔木雷雨 八年二月北望淀

大風 太和三年十月大風 四年三月大風毀宣陽

門鷓尾

衛紹王大安三年二月夜大風從西北來發屋折木吹清
夷闕折時有男子郝贊詣省言上即位之後天變屢見
火焚萬家風折門闕非小異也宜退位讓有德有司問

爾狂疾乎贊大言曰我不狂疾但為社稷計宰相皆非
其才每日省前大呼凡半月上怒誅之隱處 崇德元
年七月有風從東來吹帛一段高數十丈宛轉如龍墮
于拱辰門內

宣宗貞祐三年二月大風龍德殿鷓尾壞 興定三年四
月大風吹河南府署飛百餘步戶案門鑰開文牘飄散
不知所在。

哀宗正大元年正月初視朝大風飄端門瓦昏霾不見日
黃氣塞天 四年八月大風吹左掖門鷓尾墜丹鳳門

扉壞

元

太宗五年十二月大風霾凡七晝夜

憲宗六年春大風起西北砂礫飛揚白日晦冥

世祖至元八年十月檀順等州風潦害稼 十六年保定

等二十餘路大風害稼 二十四年西京北京隆興平

樂南陽懷孟等路大風 二十五年正月汴梁延津封

丘二縣大風麥苗盡拔 三十一年七月棣州大風發

屋拔木

成宗元貞二年順德大風損麥 大德十年二月大同路

暴風大雪壞民廬舍

武宗至大元年秋歸德暴風

仁宗皇慶二年秋八月大風海溢 延祐七年八月延津

縣大風晝晦桑隕者十八九

英宗至治元年三月大同路大風走沙土壅沒麥田一百

餘頃 三年三月衛輝路大風桑彫蚕死

泰定帝泰定元年四月大風 八月二十七日夜永嘉颶

風大作地震海溢入城溺民居樂清尤甚 三年七月

寶坻房山二縣大風折木 八月大都昌平等縣大風
一晝夜壞民居九百餘家 四年五月衛輝路大風九
日未盡偃

文宗天曆二年二月柘城新鄉縣大風 至順元年秋七
月平棘行唐縣大風 二年五月柳林行宮大風折木
三十餘株

順帝至元二年陝西暴風 至正元年七月廣西雷州颶
風大作湧潮水折木害稼 二年十月海州颶風大作
海水漲溢溺死人民 四年七月溫州颶風大作地震

海溢民居漂蕩溺死者衆 十三年五月潯州颶風大
作壞官舍民居瓦屋門扉皆飄揚七十里外 十四年
海舟吹上平陸高坡二三十里死者千數 二十一年
正月石州大風折木六畜皆鳴 二十四年台州路黃
岩州海溢颶風折木未盡偃 二十七年三月京師有
大風起自西北飛沙揚礫昏塵蔽天逾時風勢八面俱
至終夜不止如是者連日自後每日寅時風起萬竅爭
鳴戍時方息至五月癸未乃止三月丁丑朔萊州大風
庚子京師大風

皇明

英宗天順八年五月五日大風電飄瓦拔木壞郊壇

憲宗成化五年二月己未雨霾天氣昏蒙黃塵四塞 已

卯日變白土霾氣四塞 六年三月陝西寧夏大風揚

沙黃霧四塞 四月庚戌立夏雷未發聲陰霾蔽日

孝宗弘治元年戊申夏五月天壽山大風電

武宗正德五年六月京師風霾 十一年五月風霾大旱

十四年三月京師風霾

世宗嘉靖五年禮部尚書席春近奏來大風捲廟宇及民

舍百餘家了無踪跡 四十一年冬十一月乙未朔有

暴風自北起 上諭兵火當慎 命兵部移檄諸邊詰

戎兵以戒不虞 十二月京師大風占者云應在土功

工部尚書雷禮請築重城 上曰費且巨萬守之尤難

姑已之 四十三年正月丁丑大風 上命本兵速移

檄警備 三月望異風作赤黃霾是日風作至二十一

日不止 世宗傳諭內閣徐階等曰土風雨霾不止勿

待原期着明日始致齋如例停封禁屠凡三日

穆宗隆慶二年元旦大風飛沙走石白晝晦暝自京師達

江浙皆然 三月京師大風揚塵四塞 是年戊辰元旦南京大風拔木揚沙上新河泊舟盡漂溺其風起已至未乃息

今上萬曆二十八年福建巡撫金學曾奏興化府莆田縣于七月十八日至二十二日怪風大雨連作五晝夜走石飛沙公私廨舍城垣橋梁堤岸阡陌蕩然傾圮衙門廟道府州衛縣各館墻垣盡行倒塌聖殿啟聖祠文昌宮敬一亭兩齋各祠倒塌無存倉庾則預備大有等倉殿館驛祠壇則吉了巡司并新驛養濟院社稷山川壇

官房皆已淹倒鹹水灌入田禾悉枯海濱東角各堤俱衝壞廣業里常泰里田流去一百五十餘畝新興賓大等里不下千畝孝義仁德南方等里七百四十餘畝淹沒已盡 福州府連江縣于十六七日颶風從西南起飛瓦拔木十八日大雨傾盆連三晝夜至二十日辰時狂潮湧注入城水深丈餘官舍民廬城垣塌潰者十之七八縣墻盡圯倉廩水浸三尺卷房倒塌冊籍隨波聖宮鼓樓公館無存至二十二日水勢稍平臨安一帶地當水衝房屋傾壞人民傷殘難以枚舉 福安縣于七

月十八日起至二十一日颶風淫雨大作洶湧洪水滄
沒田禾傾倒民房無數

恒陰

遼道宗咸雍八年正月昏霧連日

章宗承安五年十月天久陰是日雲色黃而風霾 泰和

四年正月陰霧

元大德十年二月大同路雨沙陰霾

皇明

太祖洪武十八年春二月久雨陰晦不解雪雹而雷

詔中外百司凡軍民利病政事得失條陳以對下及編
民卒伍苟有所見皆得盡言無諱

景皇帝景泰五年正月積雪恒陰

晝晦

遼太宗會同八年三月圍晉于白團衛村大風晝晦如夜

晉符彥卿以萬騎橫擊遼軍遼軍不利乃歸

金世宗大定五年十一月大霧晝晦

章宗明昌六年二月京師大雨雹晝晦

宣宗貞祐元年八月夜將曙大霧蒼黑跬步無所見至辰

已時乃散 九月元妃淑妃王氏受封大風昏霾黃色
充塞天地 三年十月夜西北有霧氣如積土至二更
方散 興定四年正月晝晦有頃大雷風雨

元成宗大德五年七月晝晦

泰定帝泰定四年碣門晝晦

文宗天曆二年八月晝晦自庚子至丙午皆晝霧夜晴

順帝至元四年京師晝晦時荊州分域有鬼叫夜云苦也
苦幾時泥到襄陽府及早視之凡樹木皆用泥和猪狗
血泥之 至正十七年秋七月京師晝晦不辨人物自

旦至午方消如是者旬有五日 二十一年四月朔日
未沒三四竿許忽然無光漸漸作蕉葉樣天昏黑如夜
星斗燦然飯頃方復舊天再開朗星斗亦隱又少時日
乃沒

按王隱晉書曰日無光臣有陰謀京房易傳曰臣專刑
茲謂分威蒙微而日不明

二十七年二月永州晝晦城中人舉燈而食雞棲不

踰時方明 庚子京師晝晦 六月丙午日食晝晦

皇明

景皇帝景泰元年庚午閏正月京師烈風晝晦 五年甲戌京師黃沙四塞晝晦時章綸鍾同下獄 六年春二月十二日風作黃沙蔽日連晝晦暝至三月初八日既雨始霽先是二月二十八日清明後之二日旦時微風自西北來至辰刻漸大沙土滄然東驚其色正黃如柘染然土沾人手面洒洒然如濕頰之天地晦暝色映窓牖間如血紅室中不辨人已而紅色漸黯黑至午未復黃稍稍開朗人相顧慘愕至三月二日微雨後忽黃氣四塞日色如青銅無風而雨拂之如塵積地皆黃色色昏益甚明日大雨時或紅黑至初六日始作東北風七日又雨八日始霽人心乃安

憲宗成化九年春三月山東晝晦

孝宗弘治十五年壬戌冬十一月雲南晝晦

武宗正德十四年己卯春京師風霾晝晦水溢

世宗嘉靖八年春正月戊戌朔風霾晦如夕 九年三月

京師大風晝晦

雷震

宋

寧宗嘉定十四年正月地震大雷是春金虜入寇斬黃二州時彭龜年奏曰天之鼓舞萬物者雷風也君子鼓舞萬民者號令也天有雷風之變乃為人君號令之應雷為天地之動最為不測而難信者然發以二月收以八月人事候之以為節未嘗爽也故萬物曰之以動蟄而無病焉若當收而發則誤物多矣陛下亦嘗曰雷之非時而反求之號令之間乎陛下自即位以來好出御筆陞黜之間多為不測若示人以聰明威斷者其慰人心者固時有之而動人心者亦不少矣抑思人君據天下

之利勢一喜一怒係萬物休戚而使人不可得而測則人其能自安乎當人情求安之時而反使之不自安之意殆非初政之美也司馬光嘗告神宗皇帝曰陛下好于禁中指揮外事非公卿所舉薦牧伯所糾劾或不次遷官或無故廢罷外人疑駭不知所從夫公卿牧伯所糾劾或謂之賢而不賢或謂之有罪而無罪皆有迹可見責有所歸故不敢大為欺罔若姦臣密白陛下陛下自為聖意以行之則威福集于私門怨謗歸于陛下此光體要疏中語也陛下向在潛邸固最愛此疏豈

今日乃忘之耶陛下試以光之言平心熟誦反而思之則今日之舉為是而為非可以坐決矣臣故以號令不測為陛下之過者此也壽皇聖帝因山之舉國之六事也始卜稽山大臣以為土薄復卜赤山太史又以為不吉復令卜下宮又以下宮為不可遷日月以迫而神穴未定有司應辦蔑知所向此非朝廷之過乎太上皇移御之所又國之大事也至三易其處使天下聞之莫不疑惑此又非朝廷之過乎隨龍人推恩陛下即祚之二日固嘗有宣諭矣已而大臣擬進至于一再必欲施行

陛下持之不下臣嘗親聞玉音謂朕尚未見父母而先推恩隨龍人孰為重孰為輕有識聞此訓也莫不感嘆陛下聖明而大臣復請下之使陛下誠心實德不孚於天下此又非朝廷之過乎惟廟議無一定之規故出令有二三之感臣以號令不信為二三大臣之責者此也雷震不時應或在是孟冬之月六陰過盛而謂之陽月者以陰盛則衰陽當生爾今淫雨為災蓋陰勝也推之人事則君弱臣強陰勝也內侵外治陰勝也小人害君子陰勝也盜賊病平民陰勝也蠻夷謀中國陰勝也陛下

下受天明命大臣雖有翊戴之勲而威福之柄實在陛下前日大臣庇一大吏出一臺臣陛下覺之罷大臣而進臺臣已服陛下英斷君弱臣強之病宜無有也陛下自在潛邸不適聲色及登大位親灑宸翰以聲色酒為戒既無所耽溺亦無所牽制內侵外治之患宜無有也惟是陛下思見太上朝夕不忘而中間有阻絕不得通求之愈切持之愈固使陛下彷徨無策經營南內將有移御之意若果如此陛下念親可謂至矣然于宗廟社稷之計不審熟慮之否乎此恐未免動陰勝之應也天

道雖遠固未易知人心非遙氣到自見自古未有不召而自至之災亦未有已出而不應之變陛下不可逆料以為不然而忽之也推之已事亦可鑒矣陳瓘常謂承顏養志當以大舜武王為法八脩家人之禮則恭順無缺出治朝廷之事則威柄不分此乃大舜武王之所謂孝也臣願陛下如瓘之言以事其親則內侵外治之患庶乎他日可以免矣陛下踐祚之日即以收召人物諭臣及召命之出莫非負天下物者今在朝之士彬彬固多君子矣然臣嘗密察縉紳之間則多猜防顧忌之心

無安舒閑雅之意蓋君子之情未洽而邪正之路未分
陛下信重君子之言未孚于人而昵比小人之迹已見
于外君子告陛下之言小人或得與聞而小人告陛下
之意君子或不能知正道恐消邪道恐長此亦未免動
陰勝之應也當六七月之間淮浙大旱剽掠之徒所至
蚋集今雖少弭然饑寒漸近雖朝廷多方軫卹而州縣
在在無米夫今不圖向後盜賊安保其不作此亦未免
動陰勝之應也湖南蠻獠今年侵擾內地已費調護粗
得平帖近聞虜人復求疵于言語文移之間我方內虞

饑饉之迫豈可外有兵革之釁備禦之策茫如捕風此
亦未免動陰勝之應也淫雨為災應或在是願陛下思
所以致災之由求所以弭災之道事事責實不以虛文
大要君臣之間各自反己則轉災為福反沴為祥直反
掌耳惟陛下留神念之

理宗端平三年九月有事于明堂大雨雷震 庚午朝饗

太廟雷電 寶祐三年正月迅雷時元夕欲張燈起居

郎牟子才上疏言倡優下賤竒技獻笑溲汙清禁今震
霆示威願聖明覺悟天意可回乃罷元夕張燈

宋季福州書錦坊有賣米者一夕雷震死其家三人
大書屍上凡九字其文曰米中用八厘口月八亘人不能
識有一老曰但于其中直貫一畫則成文矣蓋謂米中
用水糠中用木查也蓋賣米之家實如是云

遼太宗天顯十二年五月雷震開皇殿

金熙宗皇統九年四月夜大風雷雨雷電壞寢殿鴟尾

哀宗天興元年九月夜大雷工部尚書蒲乃速震死

元順帝至正二年興國路永興縣雷震死糧房貼書章尹
于縣治時方大旱有朱書在其背云有旱却言無旱有

災却道無災未庸殲厥渠魁且擊廷前小吏 七年五

月台州路黃岩縣無雷而雷 十年六月廣西臨桂縣

無雲而雷震死邑民廖廣達 十一年十二月台州大

雨震電 十二年三月寧國路無雲而雷 十三年十

二月汾州雷雨 十四年十二月孝義縣雷雨 十九

年十一月台州大雷電 二十年二月浙西諸郡震霆

掣電雪大如掌頃刻積深尺餘 二十二年十月初五

日大雨雷電

皇明

太祖洪武十三年雷震 謹身殿

英宗正統八年癸亥夏四月雷擊 奉天殿鸛吻 十四

年六月震雷風雨驟作 謹身奉天華蓋殿俱災

景皇帝景泰四年雷擊奉天殿獸吻 詔求直言翰林

劉球陳時王振怒之暴死獄中

英宗天順元年丁丑夏五月京師大雷電雨下如注大風

拔木平地水高數尺是夕逮御史張鵬楊瑄并十三道

下錦衣獄都御史耿九疇副都御史羅綺內閣徐有貞

并下獄

憲宗成化三年六月戊申雷震南京 午門正樓科道皆

有言請修省 十三年十一月浙江杭州大雷雨虹見

巡按呂鍾上奏禮部請移文彼處修省 二十三年丁

未夏六月雷震南京 午門

孝宗弘治八年長河江西大震雷

武宗正德元年六月雷震正殿鸛吻 大廟脊獸天壇樹

木 禁門房柱俱摧燒毀

世宗嘉靖二年五月初九日雷擊東城各地方旗竿共六

根 十年閏六年雷震 午門西角樓 詔百官修省

十一年十二月二十七日南昌九江等處雷鳴 十
五年五月雷火灼 謹身殿俱燼 上令修省御史何
維栢言 兩宮 山陵之役費且數百萬是誠不可以
已乃沙河之役以七百萬功德亦不下二百萬安南軍
餉非二百萬不可臣恐聚斂者無所施其術而筭計者
安所贍其需乞緩諸不經之費而并力 兩宮安南之
役慎于謀始則民安而天眷矣不報 十八年六月丁
酉雷震左鵠吻毀鼓樓 上命修省 二十四年廣東
雷州府海康遂溪等縣風雨震電有火光如毬自西南

起升至中天星散海潮漲溢壞官民廬舍及人畜田禾
不可勝計 三十四年四月雷始發聲

穆宗隆慶元年八月大暑雷震次日大寒如嚴冬夜半雷
震達旦 五年六月二十五日午時雷震 園丘廣利
門鵠吻碎之

今上萬曆十九年五月薊遼總督蹇達奏大榆菱角山百
總金子夙報本月初十日酉時忽然天雷迅烈擊死守
臺兵沈昌并妻張氏揭去四圍臺堞器械等項又喜峰
百總郭文鎮報本月初十酉時天降驟雨霹靂將百總

妻李氏擊死又擊死防守軍士陳龍擊傷軍士李策等

二十三年貴州巡按薛繼茂奏三月十三日貴州地

方雷鳴狂雨大雷打壞田禾 二十五年六月西華門

奉御張用等奏二十五日五更時分本門南吻獸頭被

雷擊碎 七月順天巡撫李頤本奏月初一日暮田峪

閔雷火燒燬臺器 二十七年閏四月兵科桂有根奏

太廟雷擊槐樹火光直出 巡視中城御史俱祺奏

十三舖宗大綱家被雷擊死三人 貴州撫臣江東之

奏平坝衛地方天黑如夜人目不見狂風大作霹靂雷

霆遍地振動雪電如碗盆磚石大自酉至亥猶播石而

下

物自鳴

遼太宗大同元年四月次赤岡有聲如雷起于御幄是月

遼主崩

聖宗太平五年三月魚兒灤有聲如雷而徙 詳見水異類 太

平中南院大王耶律制心一日沐浴更衣而卧家人聞

絲竹之聲怪而視之則遠逝矣

金海陵正隆六年臨潢府聞空中有軍馬聲仰視見風雲

續文獻通考 卷之三百二十三
者靄神鬼甲兵蔽天自北而南仍有語促行者未幾海
陵南征遇弒

世宗大定十三年八月策試進士于閔忠寺夜半忽聞音
樂聲起塔上西達于宮考官完顏蒲提李晏等以為文
運始開得賢之兆

哀宗正大五年八月御座上聞若有言者曰不放捨則何
索之不見

元文宗天曆二年五月天鼓鳴于西北七月乙巳天鼓鳴
于東北

順帝至元四年冬江浙行省官立相哥沙不丁輩德政碑
穹窿莫比特缺坐石時若晦者素善諂媚因以楊和王
墳域所有為言役人夫數千拖曳而至畢工之日省中
火爐鳴直至昧爽方休嗣是夜以為常又梟鳴梁壓虎
入城市越明年相哥敗諸人俱罹奇禍 至正十二年
寇起蘄黃將由義興取道犯浙西義興王子明多藏三
代彘鼎又購得高彘鑿深窖以埋之既入窖彘作牛牛
鳴者七夜回取出寄田家窖後遭發掘獨此彘得存
十三年十月京師無雲而雷少頃有火墜于東南懷慶

河內縣及懷慶之修武潞州之襄垣縣皆無雲而雷聲震天地 十六年正月嘉興楓涇鎮戴君實門首柳樹若牛鳴者三主人與僕從悉聞之斬其樹不一月苗軍抄掠貲產又兩月屋燬于兵 是歲寒食日海鹽州趙初心率子姪輩詣先隴汎掃松楸忽聞如老鶴作聲戛戛不絕審所在乃是一栢樹頃間衆樹同聲和之一二時方止舉家惶惑至八月苗軍火其居明年六月紅軍掠貨財婦女而姪善如死于難 二十四年四月十五日華亭五保楊巷邵浦雲之西清庵廊屋一十九間每間屋柱皆有聲其聲如以桶覆水面而擊其底者人以手按之則振掉而起經時方止

按乾坤變異錄人君宮室無故有聲主兵起若人家主家亡

皇明 二十七年正月絳州聞天鼓鳴其聲如空中戰鬪者

太祖洪武十一年處州遂昌縣奏有大聲如鐘自天而下無形或以為鼓妖次年官民俱災 十三年三月貴州布政司使蔣延瓚言去年北征班師 詔至思南府婺

川縣大巖山有聲連呼萬歲者三咸謂 皇上恩威遠
加山川效靈之徵呂震請率群臣上表 上曰人臣事
君當以道阿諛取容非賢人君子所為呼譟山谷空虛
之聲相應理或有之布政司官不察以為祥爾為國大
臣不能辨其非又欲進表媚朕非君子事君之道也
英宗天順七年二月晦夜聞空中有聲李賢上言傳云無
形有聲謂之鼓妖上不恤民則有此異 上命具寬恤
事以進

憲宗成化十四年八月戊戌早朝東班官若聞有甲兵聲

者因辟易不成行列衛士爭露刃以備不虞久之始定
命御史詰究莫得其故

武宗正德七年春三月二十三日山東文登縣奏始皇廟
鐘鼓無故自鳴

穆宗隆慶二年三月直隸新城縣空中迅響如雷

今上萬曆二十六年五月西寧古浪城樓大鐘連鳴三

二十八年九月鄖陽巡撫鄭國任奏公署東北角樓

上鐘大鳴三聲

物自壞

金宣宗元光二年丹鳳門壞壓死者數人
元至正十一年岳州府門忽自倒柱脚向天

人異

宋寧宗慶元元年永州民產兒有角翅 時尤溪縣有陳
油妻產二子肢體異而胸膈相連驚不敢舉 陳升
之將生母荆國夫人常聞排榻有聲者累日索之無所
見既產升之其聲遂息得大蛇蛻于褥下鱗甲首尾俱
備惟腹下脫一鱗升之既長腹亦有一鱗可磨指甲仕
宋封秀國公 楊億之初生母章氏夢羽衣人自言武

夷仙脫化既誕則一鶴雛也舉家驚駭貯而之棄江其
叔曰吾聞世之異人其生亦異如姜嫄有棄簡狄有契
乃追至江濱開視之鶴已脫而嬰兒具焉體猶有紫毳
尺餘次日乃落

遼穆宗應曆十二年八月女直進鼻上毛小兒

金世宗大定十三年正月尚書省奏宛平張孝善有子曰
合得十二年三月旦死至夕復生云本是良鄉人王建
子喜兒而喜兒前三年已死建驗以家事能具道之此
蓋假屍還魂擬付王建為子上曰若是則姦倖小人競

生詐偽瀆亂人倫止付孝善

元

世祖中統二年九月河南民王四妻靳氏一產三男

按唐志云物反常為妖陰氣盛則母道壯也

至元元年四月黃岡民婦生男狗頭八月武城縣民

王氏妻崔氏一產三男二年南漳王氏婦一產三男

十年八月鳳翔寶雞劉鐵牛妻一產三男二十

年二月高州張丑妻李氏一產三男一女四月固安

州王得林妻張氏懷孕五月生一男四手四足員頭三

耳一耳附腦後生而即死具狀有司上之二十二年

江陵民張二妻鄧氏一產三男二十八年九月襄陽

南漳縣民李氏妻一產三子

成宗大德元年五月遂寧州軍戶任福妻一產三男十

一月遼陽打鷹孛蘭奚戶那懷妻和里迷一產四男

四年寶應縣民孫奕妻朱氏一產三男十年正月江

州湖口縣民方丙妻甘氏一產四男

泰定帝泰定元年秦州成紀縣趙思直妻張氏一產三子

致和元年太平當塗縣楊泰妻吳氏一產四子

順帝至元元年雲南廣西婦人俱一產三男祥符縣市中
 一丐婦忽生鬚 三年民間謠言拘刷童男女以故婚
 姻不問長幼平江蘇達卿時為上海縣吏有女年十一
 贅里人浦仲明之子為壻明年生一子 至正元年棗
 陽縣民張氏婦生男甫及週歲暴長四尺許容貌異常
 瞠腹擁腫見人輒嬉笑如世俗所畫布袋和尚云 二
 十三年霸州民王馬駒妻趙氏一產三男亳州務李閏妻張
 氏一產三男

皇明

太祖洪武二十四年八月河南龍門有婦人司牡丹為夫
 蹴死越三年同鄉素馬頭死而復甦自言我司牡丹也
 召其家人驗之良是云死後為薄姬廟侍婢今借屍還
 魂耳時 懿文太子自陝還聞于上 上召面詢 賜
 鈔帛還令兩家給養

憲宗成化十八年三月鳳陽宿州民張真妻王氏孕當產
 臍下右邊痛不可言歷三月一日腹右畔開裂產出一
 男鼻準中有黑痣巡按周蕃聞之朝 甲辰徐州一婦
 脇骨生一肉瘤漸長如核大皮益瑩薄弥月兒從此產

有司具聞月給膳米

世宗嘉靖二年雲南曲靖衛舍人胡晟妻產一男兩頭四手三足 五年禮部尚書席春奏有婦人產一子六目四面頭有角手足各一節獨爪鬼聲 十一年貴州巡按奏軍人李華妻劉氏生男兩頭四手良久身死雷鳴電掣 又當塗縣民吳倫妻一產三男一女 二十八年己酉大同右衛舍人馬錄女年十七歲變為男子按晉時曾有此異為中官用事之兆 又華亭橫涇農人孔方忽患腹膨終日憤憤數月後產一肉塊剖視之乃

一孩肢體毛髮悉具而裸處其中

穆宗隆慶二秋山西男子李原雨有兄原雲兄弟二人原雨初娶張氏夫婦不相能因黜其妻同一夥伴業農一日偶腹痛甚遂卧床久之陽漸微渠亦自異以為病虛故又久之則月行始知變為嬪人矣或告其兄兄疑之遣其妻往視果然遂告于有司復審果爾因以聞于朝未幾慚恚而死

今上萬曆庚寅南宿州村民婦一產七子膚髮紅白黑青諸色各異以為妖也潜厲一人瘞之江滸是夜里有富

續文獻通考卷之二百二十三
長者夢神謂曰明日有七將軍在阨過尔門宜救之當
獲福祐長者起覘門外果見所識人抱一筐衣覆其上
呼而發視之問知其由因呼錢勞之語曰是兒神已托
夢于我我當鞠之尔但歸報已瘥勿洩也越三年婦老
竟無子而思所瘥子翁亦聞育在富長者家徧訪得之
乃属人懇求長者曰神以兒属我安有還理于是與見
而兩家子焉

按雙生子曰孿子 永樂靈丘縣民李文秀妻一產三
男 天順間揚州有民婦一產五男至成化間以爭財

訟于巡撫申公異而遣之頤連壁山東博興人與其弟
合壁俱一乳所生其母四乳生六子二女 成化間嘉
善縣鄧亮妻初乳生三子再乳生四子三乳生六子
嘉靖間香山蓮塘民鄭七仔妻廣州河南民黃世綱妻
萬曆間高平縣民吳守倉婦俱一產三男大同有一產
四男者

續文獻通考卷之二百二十三終

續文獻通考卷之二百二十四

皇明進士雲間王圻纂輯

物異考 詩異 至 鼠異

詩異

宋寧宗開禧二年鄂州民謠塞上將軍少城南從事多宣
威不可問恢復竟如何後權臣開邊鄂為宣撫使置司
多辟親故幕賓聚城南為酣縱云

金章宗泰和八年有童謠云易水流汴水流百年易過又
休休兩家都好住前後總成留至貞祐中舉國遷汴

綱目卷之二十四
卷之二十四
衛紹王初即位改元大安四年改曰崇慶既又改曰至寧
有人語曰三年大崇至矣大崇者大虫也俄而有胡沙
虎之變

宣宗貞祐元年衛州有童謠曰團團冬劈半年寒食節沒
人烟明年正月元兵破衛城遂立墟 興定五年京師
童謠云青山轉轉山青晚誤盡少年人蓋是時人皆爲
兵戰闔山谷轉轉不休當至老也 初南京未破時市
中有一僧不知所從來持一布囊貯棗日日散與市人
所在兒童百十從之又有一人拾街上破瓦復以石擊

碎之人皆以為狂不曉其故後乃知其意蓋欲人早散
國家將瓦裂云

元

世祖初宋未下時江南謠言江南若破百鴈來過當時莫
喻其意及宋亡乃知指丞相伯顏也 至元甲子阿合
馬拜中書平章領制國用使司時樂府中盛唱胡十八
小令知識諱者謂其當擅重權十八年人未之信果于
至元壬午伏誅適符其數越五年丁亥桑哥拜中書平
章立尚書省貪暴殘忍更倍于阿合馬人亦謂桑字折

而為四十八桑字後改作相字亦作為四十八竟不知應之于壽或應之于職然自立省之日至辛卯正月敗績恰四十八月其神驗如此 張之翰字周卿邯鄲人嘗除授松江知府自題桃符云雲間太守過三載天下元貞第二年是歲病卒果符其讖云 張起字起之四明人有詩名嘗作一聯云別來越樹長為客看盡吳山不是家未幾卒殆詩讖云

文宗至順二年司徒香山言陶弘景胡茄曲有負辰飛天曆終是甲辰君之語合陛下生年紀號實受命之符乞錄付史館詔翰林集賢諸儒臣議咸謂從山所言恐啟讖諱之端事遂寢

順帝至正五年淮楚間童謠云富漢莫起樓貧漢莫起屋但看羊兒年便是吳家國後我 太祖定鼎于吳蓋童謠之應也 十年河南北童謠云石人一隻眼挑動黃河天下反及賈魯治河果於黃陵岡得石人一眼而汝穎之變起 濬縣有皇舅墓元初即有謠云皇舅墓門閉運糧向北去水滄墓門開運糧却回來至正十三年中原大水水退土阜崩墓門顯露自後天下多事海運

不通卒如其讖 十四年春城平江于古城基內得一碑其文云三十六十八子寅卯年至辰巳合收張翼同為利不在常不在揚切須款款細思量且卜水莫問米浮圖倒地莫扶起修古岍重開河軍民拍手笑呵呵日出屋東頭鯉魚山上遊星從月裡過會在午年頭竟不曉所言何事或者以為三十六四九也張翼巳午之交也張士誠第九行四而同首亂者適十八人也豈其然與 方國珍台之黃岩人其居山中曰洋嶼嘗有童謠云洋嶼青出賊精國珍後果叛 十五年京師童謠曰

一陣黃風一陣沙千里萬里無人家回頭雪消不堪看
三眼和尚弄瞎馬 十六年正月常熟州陷松江府印造官號給散吏兵佩帶以防奸偽號之掣作畫為圓圈繞圍皆火焰圈之內一府字以府印印府字上圈之外四角府官花押民間謠云滿城多是火府官四散躲城裡無一人紅軍府上座不二月城破悉所如言 三月彰德路天雨毛如線而綠民謠云天雨線民起怨中原地事必變 七月彰德路李樹結實如黃瓜民謠云李生黃瓜民皆無家 八月彰德路雨毛民謠云雨天毛

事不濟 紅軍初起時旂上一聯云虎賁三千直抵幽
燕之地龍飛九五重開唐宋之天其後毛貴一賊橫行
山東侵犯畿甸駕幸灤京賊勢猖獗無異唐宋 二十
八年六月彰德路天寧寺塔忽變紅色自頂至踵表裏
透徹如燬鉄物出于爐頂上有光焰透發自二更至五
更乃止癸卯甲辰亦如之先是河北有童謡云塔而黑
北人作主南人客塔而紅朱衣人作主人公

皇明

太祖洪武五年壬子春三月中書右丞王溥受 命督採

林木至建昌蛇舌巖衆見衣黃衣者歌曰龍蟠虎踞勢
堯堯赤帝重興勝六朝八百年來鍾王氣重華從此繼
唐堯其聲如鐘已忽不見溥以上聞 太祖曰明理者
非鬼怪可惑守正者非讖諱可遷漢之文成五利足以
為戒事涉妖妄豈可信也

建文君常有詩云是日乘輿看晚晴葱葱佳氣滿京陵禮
樂再興龍虎地衣冠重整鳳凰城人以為 文皇識也

訛言

宋寧宗時浙東訛言嵎縣有虎神募人捕之

金宣宗貞祐三年六月京城中夜妄相驚逐狼月餘方息
元太宗九年左翼部訛言括民女帝怒因括以賜麾下
世祖至元十一年誅西京訛言惑眾者

成宗大德六年龍興民訛言括童男女至有殺其子者命
捕為首者三人誅之始息

順帝至元二年民訛言朝廷拘刷童男女一時嫁娶殆盡
胡粹中曰人必好色然後疑其淫人必貪財然後疑其
盜訛言雖起于閭閻之小人亦在上者露其機括故因
以發之耳當時順帝志荒而欲縱聲色之好不待哈麻

進秘密而後肆也訛言其必有所自矣

三三年民訛言朝廷將採童男女以授韃靼為奴婢且令
父母護送直抵北交割故自中原至於江南凡品官庶
人家但有男女年十二三以上便為婚嫁雖守土官吏
與夫韃靼色目之人亦如之十餘日乃止 至正元年
江浙行省平章政事只理瓦台入城之任日夜紅衣童
謠曰火殃來矣至四月十九日杭州災燬官民房屋公
廨寺觀一萬五千七百五十五間燒死七十六人明年
四月又災甚於前自昔所未有也

皇明

太祖洪武八年甲寅冬十二月陝州人獻天書辭涉妄誕
斬之

英宗正統元年京師小兒會天旱祈雨口中群誦雨帝雨
帝城隍雨帝隨有土木之變 郕王以弟即位蓋與弟
之謠至此始驗 十三年有人夢聞黃榜傳第一名彭
時國子生其人言于朋輩徧傳都下又一人謂岳正曰
我昨夢見賢兄魁多士正曰若夢可信則已有人夢彭
時作魁矣其人戲曰會試廷試有兩魁二人各占其一

可也已而果然是時有童謠云衆人知不知今年狀元
是彭時亦不知何自而起也

世宗嘉靖十四年京師民謠曰十萬呂文選一一億汪尚
書蓋指汪鉉呂希周也時給事中孫應奎御史王廷等
各列鉉賊以謠為證章十餘上鉉乃乞休希周已遷通
政并罷 三十四年十二月浙直訛傳有物如蝴蝶夜
入人家變幻飛走禦之被傷如瓜痕民間鳴鑼擊鼓為
防或言是馬祖師術官司捕馬道士不得尋亦止息
穆宗隆慶二年正月江南訛言京師遣內臣選宮女于各

省自是民間室女節婦老少苟且婚配旬月殆盡士大夫家亦為之後來爭訟紛擾弥年乃定

今上萬曆二十六年正月兵部李禎奏本部役哨于部門外通衢拾得亂言書冊言道言佛兼似怨忿又散非一處拾非一人喧聞市井 二月南京守備邢隆奏二十五年十二月二十二日安鄉伯張世恩等進內宿直捉獲男子一名供名宗四八浙江杭州府錢塘縣人有東陽人嚴師傅住離城二十里放光寺帶來經書口稱今人有難觀音弥勒下界將此經書同至南京在皇城内

不拘官民看此可免災難引四八將書遺端門外白布包黃紙裹書十七冊上有奏聞二字及指南書三字中間言語荒唐不經煽惑人心

服妖

元世祖至元二十八年九月命尚衣局織無縫衣

射妖

金哀宗天興元年八月有箭射入宮中

毛蟲之異

宋

高宗建炎間荆南張四者虎突至其家急登梁喘伏虎未
之見也升堂脫其皮變為男子遍歷室中及居側林莽
中尋之張乃下取其皮縛置梁上暮虎還視其皮大咤
曰吾奉天符取十七人止餘汝在善還我皮當捨汝張
乃應之曰還皮易耳汝即食我奈何曰我雖異類不忍
負信遂懷中天符索筆勾其名擲皮下虎蒙于于体復
故形哮吼奮迅跳出明日間六十里外夜大雷震死一
虎

遼太宗以唐天復二年生神光異常獵者獲白鹿人以為

瑞 天顯三年二月憶隱涅里衮進白狼 九年正月
南京進白麋 會同元年二月室韋進白鹿 三年二
月獵水門獲白麋

穆宗應曆二年十一月朔州民進白兔 十三年五月幹
郎改國所進花鹿生麋 十八年六月撻烈于鵬窠中
得北犬來獻 十九年三月漢遣使進白鹿

興宗重熙二十一年九月平州進白兔

金

太祖未即位時使幹賽伐高麗為具于毬場以待捷音有

二麋渡水而至獲之太祖曰此休徵也言未既而捷書至

熙宗皇統三年七月太原路進獬豸

海陵正統六年十月大軍伐宋將至廬州獲白鹿以為武

王白魚之兆

世宗大定四年七月嵐州進白兔二

章宗太和八年八月有虎至陽春門外駕出射獲之元

光元年十月上獵近郊獲白兔群臣以為瑞明日御便

殿置鈴于頂將縱之兔驚不已忽斃几上二年十

一月開封有虎害人是時屢有妖怪二年之中白日虎擲門吏部及宮中有狐狼鬼哭于輦路

哀宗天興初荆王守純府第每夜房間群狐號鳴秉燭逐捕則失所在未幾哀宗遷歸德後崔立以城降而守純等皆死青城

元

太祖駐師西印度忽有大獸其高數丈一角如犀牛然能作人語云此非帝世界宜速還左右皆震懾獨耶律楚材進曰此名角端乃旄星之精也聖人在位則此獸奉

經義通考 卷之二十四
書而至且能日馳萬八千里靈異如鬼神不可犯也帝
即回馭

天台陶成九曰稽之前志神禹氏治水功成天降飛兔
日行三萬里而未嘗善言也又后土鐵蹄之獸至善言
而未聞其獨角也軒轅獲飛黃而獨角漢武獲獸併角
而五蹄又未嘗聞其善言能走也及聖祖誕膺天命而
角端出焉夫一角者所以明海宇之一萬八千里之涉
者所以示無遠弗届也

世祖至元二十八年虎入南城翰林侍講學士趙與鼎上

疏言權臣專政之咎

成宗元貞三年海州牟平縣獲白鹿于聖水山以獻

順帝至正十年彰德境內狼狽為害夜如人形入人家哭
就人懷抱中取小兒食之 是年浙江鄉試八月二十
二日夜院中彷彿見一物馳過甚疾其狀如猛獸者軍
卒從而喧哄因出角端為賦題 二十三年福州連江
縣有虎入於縣治 二十四年福州白晝獲虎于城西
績溪縣嘗有群虎入境又有猛獸如彪逐虎食之虎駭
而悉去

皇明

太祖洪武五年八月河南民獻白兔 命放之野 十年冬十月初三有虎白日入漢西門傷二軍人其一死 詔赦徒役

成祖永樂二年甲申秋九月丁未 周王以駙虞來獻 是年八月 周王畋于鈞州獲一獸白質黑章猊首虎 軀其狀孔威不可迫視 王命部卒俟之其性馴擾因 召詢父老皆謂之駙虞至是 王率其屬表獻 門下 十一年癸巳五月駙虞見于山東曹縣六月丁未朔

以獻白質黑章性仁而馴呂震請表賀 上曰汝能效 李沆為人則善矣震退 上顧侍臣曰震可謂不學無 術者也 十六年耀州獻玄兔呂震請賀不許

宣宗宣德四年二月襄城伯李隆獻駙虞二云出滁州來 安縣石固山素質黑文馴狎不驚 上命群臣觀之胡 濙等請上表賀 上曰禎祥之興必有實德庶幾副之 朕嗣位今四年中外所任豈皆得人民生豈皆得所駙 虞之祥于德弗類唐太宗嘗曰堯舜在上百姓敬之如 神明愛之如父母動作興事人皆樂之發號施令人皆

悅之是大祥瑞朕與卿等宜共謹之若駟虞其免賀

宣宗宣德八年癸丑秋閏八月編脩許彬以麒麟獅子福

鹿玄虎四祥進

孝宗弘治十一年六月京師西直門有熊入城守衛者不覺馬文升謂野獸不宜入城奏泰守衛因乞嚴武備以防不虞兵部郎中何孟春謂同列曰熊之為兆既當被盜亦宜慎火同列莫曉未幾城內在處有火災禮部焚既而禁中亦火乾清宮焚或問孟春孟春曰予不曉占書曾記宋人紀紹興己酉永嘉災前數日有熊至城下

州守高世則謂其倅趙允緇曰熊于字能火郡中宜慎火果延燒官民舍是年之語蓋憶此事而云耳不意亦驗

世宗嘉靖二十年人家生一犬八足四耳四目識者以為

犬羊入犯之兆後虜入大同掠萬餘人牛羊不計其數

十二年癸巳春總理糧儲兼巡撫應天右副都御史

陳軾以瑞兔獻 詔弗稱賀以禮部尚書夏言奏也

三十七年胡宗憲進白鹿秋月八宗憲又進白鹿 三

十九年秋宗憲又進白鹿壽芝 四十年春正月陝西

商南山萬壽宮前芝叢中土人得白鹿巡撫以獻 是
年春二月南京錦衣指揮徐繼勳獻白鹿 四十三年
甲子五月十六日祝壽生一子十八日又得一瑞堯是
日內畜玉兔生二子閣臣徐階等率百官上表賀 四
十五年丙寅夏六月二十五日太醫以瑞兔獻體備五
色迥異恒品

今上萬曆二十三年春三河縣民家母彘生八小豕內有
一人形者手足俱備但頭額上止有一眼產下能行其
家以為不祥斃之占者謂豕生人或人頭豕身為邊鄙

不寧之兆

麒麟

金熙宗天眷五年十月大名府進生麟

元

成宗大德九年二月大同平地縣迷兒的斤家牛生麒麟
而死

武宗至大四年大同宣寧縣民滅的家牛生一犢其質有
麟無毛其色青黃類麟以其韉上之

仁宗皇慶元年六月武安樂陽村產麒麟 二年二月是

續文獻通考 卷之三百二十四
村麒麟又生始生其母懼而不近三步之外直視之而鳴麟亦鳴聲不類犢

泰定帝三年湖州府長興州民王復家生牛一獸麟身牛尾口耳皆赤墮地即大鳴母不乳之具圖以上不知何獸或曰此瑞也宜令史官紀錄

順帝至正九年三月陳州楊家庄牛生黃犢火光滿室麻頂綠角間生綠毛不食乳二日而死

皇明

成祖永樂十二年榜葛刺王表獻麒麟 上命免賀

十三年麻林國進麒麟呂震請表賀 上曰翰林徃日脩五經四書性理大全朕則許之麒麟有無何所損益其已之

馬異

宋寧宗嘉定十三年華容鄧氏馬產龍駒事聞命有司立馬監于此以識其祥後又產于其隣

蔣粹翁政和人宋季為太學生元混一天下隱于滿月山嘗言其先世家九峰山下畜一牝馬舍側有龍潭馬入浴中其龍與之媾而生龍駒龍首馬身狀如負河圖

續文獻通考 卷之三百二十四
者後牧于山林竟失所在

皇明

成祖永樂十八年九月山東青州府諸城縣進龍馬縣馬嘗有牝于海濱者一日雲霧晦暝有物蜿蜒與馬接至是產駒鱗臆肉髮体具龍文其色青蒼蓋龍馬云

宣宗宣德七年五月太原忻州民人武煥家馬生一駒鹿耳牛尾玉面瓊蹄肉文被體如麟巡撫都御史于謙會同巡按三司視之咸謂其為龍馬輿而進之禮部尚書胡濙請偕群臣上表賀上曰二三年水旱告災者朕

方日夕憂勵一獸之微何救民飢而欲表賀其止之

孝宗弘治元年戊申二月二十六日浙東處州景寧縣北屏風山有白馬成羣首尾相啣從牛首山迤邐騰空而去聞是年陝西天開門人馬百萬自下而上大都所見人馬皆鬼物之類甚可怪也

牛異

宋理宗端平元年八月紹慶府黃登進對奏武泰本唐武泰軍節度使今陛下潛藩陞為紹慶府臣到任後牛生獨角

金熙宗天眷七年十一月兵部尚書完顏秉德進三角牛

一作羊

元世祖至元十六年四月益都樂安縣朱十五家牛生犛犢兩頭四耳三尾其色黃生而即死

順帝至正十年秋襄陽車城民家牛生犛五足前三後二

十六年春汴梁祥符縣牛生犛雙 二日即死 二

十八年五月東昌聊城縣錢鎮撫家生黃犛六足前二

後四二日而死

皇明

世宗嘉靖五年河南南陽縣牛生犛一首兩身 是年禮

部尚書席春奏有牛產犛一身二首腹內心肺膽各二

是年南城縣有虎手足如人傷噬人畜無算 十一

年貴州銅城府平山衛軍餘范璽家于二月三十日黃

犛牛生犛頭額豐滿牙齒巉巖前二膝至足并尾俱成

麟甲甲內有毛渾身有紋落地而死 四十年福建漳

浦縣牛生犛三目三角人以為牛妖

今上萬曆二十四年正月瀘州張四兒家訟于州稱四兒

業屠牛衛軍馬洋回回種也性亦嗜食牛自鄉牽牛赴

州至大渡口登舟牽繩忽斷牛奔入市過四兒家四兒恃力直前縛之不能制大懼奔入一店中牛亦追入店四兒登樓牛亦登樓觸四兒腸出死牛下樓復轉入一卷中覓一牛肉肆適其主他出盡毀其家器業始徐徐出郊間之客店樓小梯狹而牛上下無碍其事甚怪

羽蟲之異

宋永州澹岩有馴狐凡貴客至則鳴鄒浩將至而狐鳴寺僧出迎浩怪之僧以狐鳴為言浩常有詩云走入山來亦偶然初聞消息與人傳馴狐底事先知得隔夜飛鳴

報老禪 長安女紹蘭適任宗宗為賈湘中數年不歸

睹梁燕而語之曰吾聞燕自海東來往必由湘中欲憑汝附書于夫言訖淚下燕頡頏若有所諾復曰若允當拍我懷燕遂棲膝上蘭以詩繫足云一自去重湖臨牕泣血書殷勤憑燕翼寄與薄情夫宗時在荊州忽燕子拍于肩解足書視之感泣遂歸 應山有字鴈媒者宿媒沙中諸群鴈聞其聲而至則掩取之三年矣一日中足鴈哀鳴而下與媒交其項弗釋併死之字者遂不復

弋

遼太宗生時獵者獲白鷹人以為瑞 天顯九年八月遼
王自將南伐拽刺解里手接飛鷹上異之因以祭天地
十一年八月遼主自將以援石敬瑭有飛鴛自墜而
死南府夷離堇曷魯恩得之以獻卜之吉上曰此從珂
自滅之兆也後果有應

穆宗應曆二年十月司徒老古等獻白雉

聖宗統和四年四月親征宋次沙姑河之北淀以近待粘
米里所進自落鵝祭天地 十一月代宋捷還次白佛
塔獲自落馴狐以為吉徵祭天地 九年八月東京進

三足鳥

興宗重熙中劉伸為崇義軍節度使政務簡靜民用不擾
致鳥鵲同巢之應詔褒遷其官

金太宗天會四年八月新城縣進白鳥

熙宗天眷十五年七月有司進四足雀

世宗大定二十九年十二月密州進白鷄白雉各一

宣宗元光二年正月有鶴千餘翔于殿庭移刻去是時鳥
鵲夜驚飛鳴蔽天其諸妖怪甚多十二月帝崩

元世祖至元五年秋七月螟生牧野南尋有鸚鵡自西北

續文獻通考 卷之三百二十四
踰山來方六七里間林木皆滿遂下啄蝗食且盡乃作陣飛去

成宗大德三年七月揚州淮安蝗在地者為鶩啄食飛者以翅擊死乃禁捕鶩

順帝至正十一年五月興國有大鳥百餘飛至郡西白郎山巔狀如人立去而復至者數次十九年京師鷓鴣夜鳴達旦連月乃止有杜鵑啼于城中居庸關亦如之二十七年三月丁丑朔萊州招遠縣大社里黑風大起有大鳥自南飛至其色蒼白展翅如席狀類鶴俄頃

飛去遺下粟黍稻麥黃黑豆蕎麥于張家屋上約數升許是年大稔

皇明

太祖洪武十一年戊午元旦早朝有鷓鴣自天而墮死于丹墀見者異之

孝宗弘治十四年二月保定府臣獻白鴉以為祥瑞禮部尚書傅澣劾其不當奏 詔斥遣之

世宗嘉靖四十一年湖廣巡撫都御史徐南金獻白鶴

鳳凰

遼天祚帝乾統四年十月鳳凰見于遼陰

金章宗泰和二年八月磁州武安縣鼓山石聖臺有大鳥
十集于臺上其羽五色爛然紋多赤黃赭冠雞項尾濶
而修狀若鯉尾而長高可逾人九子差小侍旁亦高四
五尺禽鳥萬數形色各異或飛或蹲或步或立皆成行
列首皆正向如朝拱然初自東南來勢如連雲聲似啟
雷林木震動牧者驚惶即驅牛擊物以驚之殊不為動
俄有大鳥如鷓鴣者怒來搏擊之民益恐奔告縣官以
為鳳凰也命工圖上之留二日西北去按視其處糞迹

數頃其色各異遺禽數千累日不能去所食皆巨鯉大
者丈餘魚骨蔽地以其事告宗廟詔中外

元順帝至正十一年廣西慶遠府有異禽雙飛見于述昆鄉
飛鳥千百隨之蓋鳳凰云其一飛去其一留止為獐人
射死首長尺許毛羽五色有藏之以獻于帥府者久之
其色鮮明如生云

元順帝至正十七年春三月上海李勝一家雞伏七雛一
雛作牡雞狀鼓翼長鳴明年戊戌春正月錢塘盧子明
家一雞伏九雛一雛有四足二足在翼下不數日皆死

而各家亦無他異 至正二十二年龍泉縣人家一雞
二形一邊毛羽純雄一邊毛羽純雌能雄鳴又能雌伏
二十五年瑞安縣鄭鎮撫家有雄雞生子殺之腹中
有子纍纍然

皇明

孝宗弘治十四年春湖廣華容縣紅柿村民劉福家雞生
雛三足

世宗嘉靖四年長垣縣民王憲家雞抱卵內成人形耳目
口鼻四肢皆具

鴨異

今上萬曆甲申年廣濟龍江鎮民某家群鴨中一鴨獨呼
云筭帳始一婢聞之既而群聽無不聞者以告于其家
翁聽亦然遂怒殺之置釜中愈烹愈大如鷺皆不敢
食投之江中已而無故構異訟家貲盡破蓋其先世皆
業屠而翁又橫暴好漁奪人貲所謂筭帳必有陰主者
龍蛇之異

宋陶弼永州人游吳中舟行忽雙鯉戲溪上傍一老父曰
此龍也行且聞君亟去去百步許雷大震岸圯木扶二

續文獻通考 卷之三百二十四 三十一
十餘舟皆覆弼舟獨完

端宗崩衆共立衛五年八歲方登壇禮畢御輦所向有龍
擎空而上

遼太祖神冊五年五月有龍戰于洩刺山陽水上上射獲
之藏其骨于府內 天顯元年七月次扶餘府城上見
黃龍繚繞長可一里光耀奪目入于行宮有紫黑氣蔽
天逾日帝崩太宗改扶餘府為黃龍府

聖宗時蕭蒲奴幼孤貧傭于醫家牧牛傷人稼數遭笞辱
醫者嘗見蒲奴熟寢有蛇遶身異之教以讀書聰敏好
學不數年涉獵經史習騎射仕終奚部六大王蓋龍種
也

興宗時蕭柳從伐高麗遇大蛇當路前驅者請避柳曰壯
士安懼此扶劍斷蛇而進卒破敵

天祚帝為金所逼渡河奔夏帥耶律敵列等劫雅里北走
至沙嶺見蛇橫道而過識者以為不祥後雅里雖立為
帝不久亦死

金熙宗天眷元年夏見一蒼龍一瓜承一嬰兒兒為龍所
戲畧無懼色三日如故 皇統九年四月有龍闔于利

州榆林河上大風壞民居官舍

詳見風門

世宗未即位時在遼陽一日方寢有紅光照室及黃龍見于寢上後復有雲氣自西來黃龍見其中即于是年登位 大定十四年八月次紇里赤日中白龍見于御帳之東小港中既而乘雲上升尾猶曳地良久北去

章宗明昌五年七月有龍曳尾于殿前 六年八月大雨雷電有龍起于渾儀鰲跌臺忽中裂而摧儀仆于臺下 宣宗貞祐二年正月次宜春有黃龍見于西北

元世祖至元二十年六月中大雨汲郡河西鄉農有王氏家甫夕黑霧四塞窓戶間寒凜不可勝視之有蒼龍蜿蜒在氣中起而復墮者再時王女下堂驚仆于地救之乃甦問所見亦同少頃霆震霧散失所在明日視其地鱗鬣印泥尚宛然

順帝至元五年六月長汀縣山蛟出大雨驟至平地湧水深三丈餘飄沒民居八百餘家壞田二百餘頃 至正十五年七月檣李城東馬橋上白龍掛烈風怪雨天闇黑如深夜壞民居百餘所大木盡拔木自半空墮下悉折為二雜以萬瓦亂飛溪水直立人皆叫號奔走不暇

頤妻子龍由馬橋歷城北望太湖而去有聲如萬屋齊
壓四望黑雲洶湧失府城所在經一二時方開霽不一
年為戰鬪之地凡龍所過處荆棘寒煙視昔日之繁華
頓如一夢 十七年六月温州有龍鬪于樂清江中颶
風大作所至有光如毬死者萬餘人 八月祥符縣西
北有青白二龍見若相鬪之勢良久而散 二十三年
正月廣西貴州江中有物登岸蛇首四足而青色長四
尺許軍民聚觀而殺之 二十四年六月保德州有黃
龍見于咸寧井中 二十七年六月皇太子寢殿新甃
井成有龍自井而出光焰爍人宮人震仆于地又又宮
牆外長慶寺所掌成宗幹耳朶內大槐樹有龍纏擾其
上良久飛去樹皮皆剝 七月益都臨朐縣有龍見于
龍山巨石重千斤者浮空而起 二十八年十月大同
路懷仁縣河岸崩有蛇大小相縮結可載數車

皇明

憲宗成化初唐縣于水村人自京至完縣王山店見二猪
戲溝中頃之入大石下隨率少年持挺移石視之時天
大旱烟雲四起雷雨交作識知其為龍也自是每旱

移石輒雨垂四十年後移之不驗或以為龍移他處耳
五年六月初九日河決杏花營水及堤有龍卵見先
是河水溢三司官具牲醴于河神俄而漁者于河濱拾
一卵以獻衆觀之甚異以手撼之中汨汨作水聲其形
大如人首下銳上員質青白微具五色又多鰲黑點持
之甚重氣煖而澤潤人不知其為何祥有占者云江湖
見龍卵主大水吳郡劉昌謂龍有胎未聞卵生或曰蛇
亦卵生茲固其類歟 十四年間吳越大水淫雨不絕
各處多出蛟出時其山中先有大火燒地及左右草木
皆披靡成一徑既入水成驢形但不見足浮游江中而
去 湖州郡丞藍偉鄧州人常道其令蜀邑時適郊有
蛇當道驅之不去公曰必鳴冤也令人隨其所之至一
野塘即止令輟去其水得隻磨有伏屍而不知誰氏偉
令徧求村中磨合者果得焉蓋有商客其家相其橐重
因殺之沉屍野塘而覆以磨讞得實罪死復移文招其
子至以橐歸焉

魚異

宋彬州支邑村民圃地昔之達官故宅基其畔有池水泓

澄常見雙鯽比翼而嬉經數歲無他鱗民投網取之不可得後澤竭于泥內獲一銅盆中鑄兩魚形與向見者不異注水魚撥刺如前

龜異

遼太宗會同三年四月南塘進白龜

皇明

世宗嘉靖四十一年御院龜生卵者五

豕異

元順帝至正三年秋建寧浦縣民家豕生豚二尾八足

十二年江陰永寧鄉陸氏家一猪產十四兒內一豚人之首面手足而猪身 十五年鎮江民家豕生豚如象

形 二十四年保德州民家豕生豚一首二身八蹄二尾 又海鹽趙氏營室以居宰猪落成小腸皆已脩治忽併如蛇蜿蜒而走將及里許而止

犬異

宋寧遠縣民畜一犬一日跣足坐垂堂犬忽齧其履置諸門主訝而逐之復齧而前再逐復前既里許乃止及回顧則家已陷矣 咸溪童鏞家畜二犬一白一花共出

一母性狡獪善知人意後白者雙盲弗能進牢而食主家作窩卧于簷外花者日啣飯吐而飼之夜則卧于其旁白者既死主憐之埋于門前山麓間花者朝夕徃埋所逸數匝若拜泣状卧其旁少頃始返

元成宗元貞丙申秋大都南城武仲祥家有乳犬懷胎左脇下忽腫成瘡六七日後于瘡内生五子色皆青蒼每當脊梁自頂至尾生逆毛一道他無所異又數日瘡亦平復

順帝至正二十二年八月上海縣金壽一家已閹雄狗生

小狗八其一嘴瓜紅如鮮血然牡物而生兒陽化陰也又犬屬火一嘴瓜紅亦火也豈非主兵火者與

蟲異

宋永州通判廳軍員毛景得奇疾每語喉中輒有蟲作聲相應有道人令學誦本草藥名至藍而默然遂取藍搥汁飲之少頃嘔出肉塊長二寸餘人形悉具

遼太宗會同四年七月有司奏神轟車有蜂窠成蜜詔卜之吉

金太宗天會三年七月錦州野蠶成繭以絲綿束獻詔賞

其長吏

章宗明昌四年六月邢洛深冀及河北西路十六謀克之地野蠶成繭 承安元年六月平晉縣民利通家蠶自成錦段長七尺一寸五分濶四尺九寸詔賜絹十疋元世祖至元中許州麥熟時有青蟲如蠶食麥人無可奈何忽生大華蟲盡嚼之 四年六月中都順天東平等處蠶皆災 七年東平大名等路桑蠶皆災 十一年諸路野蚘等蟲災凡九所 十七年二月真定七郡桑有蟲食之 二十二年真定廣平河間息州大名濟南

蠶災 二十三年五月廣平等路蠶災 十月興化路仙遊縣虫傷禾 二十九年滄州維州中山元氏無棣等縣桑蟲食葉蠶不成

成宗元貞元年真定中山靈壽二縣桑有蟲食之 五月隨州野蠶成繭數百里民取為繒 大德五年四月彰德廣平真定順德大名等郡蟲食桑 七年五月濟寧等處蟲食桑 時仁宗在潛邸日奉答吉太后駐輦懷孟時苦群蛙亂鳴終日不寐翌旦太后命近侍傳旨諭之曰吾母子方憤憤蛙忽惱人耶自後其母再鳴故今

此地雖有蛙而不作聲

武宗至大元年五月大名廣平真定三郡蟲食桑

泰定帝至和元年六月河南德安屯蠖食桑

文宗大曆二年春二月真定平山縣蟲食桑盡其葉而蟲

俱死 三月滄州高州及南皮鹽山武城等縣桑蟲食

之如枯株魏縣有蟲食桑且盡蟲俱死 至順二年三

月真定路蟲食桑為災冠州蟲食桑四萬株晉冀深蟲

等州及鄆城延津二縣蟲夜食桑晝匿土中人莫捕之

五月曹州禹城保定博野東昌封丘等縣蟲食桑皆

盡 三年大名諸路有蟲食桑葉且盡

順帝至正初盧文璧尹荆山忽有一巨蛙登廳前兩目瞳

視類有所訴者令卒尾之行去縣六七里有廢井遂跳

入不出既得報徃集里社汲井獲屍乃日前二人同出

為商一人謀其財而殺之擒捕究問抵罪死者之家云

其在生不食蛙見則買放 三年六月梧州青蟲食稼

十年七月同州蟲食稼郡守石亨祖禱于玄妙觀寒

雨三日蟲盡死

蝗

續文獻通考 卷三百二十四
宋寧宗嘉定元年徽郡飛蝗大起田野驚憂 七年六月
浙東西郡縣蝗 八年兩浙江東西路旱蝗 四月飛
蝗入畿縣自夏至秋蝗患不息諸道捕者以千萬石計
民爭捕官以粟易

理宗紹定三年福建蝗

遼聖宗統和三年九月東京平州旱蝗 咸雍三年南京
旱蝗 九年七月南京奏歸義涑水縣蝗飛入宋境餘
為蜂所食

道宗太原七年五月有司奏永清固安三縣蝗

大

安四年八月有司奏宛平永清蝗為飛鳥所食 壽隆
四年七月南京蝗時蕭文知易州屬縣議捕除之文曰
蝗乃天災捕之何益但反躬自責于是蝗盡飛去遺者
亦不食苗散在草莽間為鳥鵲所食

金熙宗皇統二年七月廣寧府蝗

海陵正隆三年六月蝗入京師 秋中都山東河東蝗

太宗天會二年曷懶移鹿古水霖雨害稼且為蝗所食

世宗大定三年二月中都以南八路蝗 四年八月中都

南八路蝗飛入京畿時完顏宗寧為歸德軍節度使督

續文獻通考 卷之百二十四 三
民捕蝗得死蝗一斗給粟一斗數日捕絕 十六年五
月中都河北山東陝西河東遼東等十路旱蝗 二十
二年五月慶都蝗蝻生散漫十餘里一夕大風蝗皆不
見

章宗太和八年四月河南蝗遣使分路捕之 六月飛蝗
入京畿 七月詔頒捕蝗圖于中外

宣宗貞祐三年五月河南大蝗 四年五月陝西大蝗

七月飛蝗過京師 興定元年三月宮中有蝗 二年
四月河南諸郡蝗

哀宗正大三年四月旱蝗

元

世祖中統三年五月真定順天邢州蝗 八月濱棣州蝗

四年六月燕京河間益都真定東平蝗 至元元年

七月益都大蝗 十二月西京北京順德徐宿邳等州

郡蝗 三年東平濟南益都平灤洺磁順天中都河間

北京祿豐縣真定路蝗 四年山東河南北諸路蝗

五年六月東平等郡及真定蝗 六年六月河南河北

山東諸郡蝗 七年三月益都登萊蝗 七月南京河

南山東諸路蝗 八年六月上都中都大名河間益州

順天懷孟彰德濟南真定衛輝平陽歸德順德等路淄

萊沼磁等州蝗 十五年七月濮州蝗 十六年四月

大都十六路蝗 六月左右衛屯田蝗蝻生 十七年

五月沂州及漣海邳宿等州蝗 十八年順德九縣蝗

十九年四月別十八里部東三百餘里蝗害麥 夏

東平東阿陽穀等處大蝗 二十一年中衛屯田蝗

二十二年大都汴梁益都盧州河間濟寧歸德保定京

師大蝗害稼 二十五年七月真定汴梁蝗 八月趙

晉冀三州蝗 二十七年四月河北十七郡蝗 二十

九年六月東昌濟南般陽歸德等郡蝗 三十年九月

登州蝗 三十一年六月東安州蝗

按釋者謂蝗蟲有甲飛揚之類陽氣所生也恒陽則有
介蟲之孽于春夏為蝻今謂之蝗按劉歆云貪害取民
則蝻與魚同占

成宗元貞元年六月汴梁陳留太康考城等縣睢許等州

蝗 二年六月濟寧任城魚臺縣東平須城汶上縣開

州長垣清豐縣德州濟河縣滑州太和州內黃縣蝗

八月平陽大名歸德真定等郡蝗 大德元年六月歸

德順德邳州徐州蝗 二年四月江南山東兩淮江浙

燕南屬縣百五十處蝗 三年五月淮安屬縣蝗有鶩

食之 十月隴陝蝗 五年六月順德路淇州蝗 七

月廣平真定等路蝗 八月河南淮南睢陳唐和等州

新野汝陽江都興化等縣蝗 六年四月真定大名河

間等路蝗 七月大都涿順固安三州及濠州鐘離鎮

江丹徒等縣蝗 七年五月益都濟南等路蝗 六月

大都路蝗 八年四月益都臨朐德州齊河蝗 九年

四月真定蝗 六月通泰靖海武清等州縣蝗 八月

涿州良鄉河間南皮泗州天長等縣及東安海鹽等州

蝗 十年四月大都真定河間保定河南郡蝗 六月

龍興南康等郡蝗

武宗至大元年澶濮曹高唐等州蝗 五月晉寧路蝗

六月保定真定二郡蝗 八月淮東蝗 二年四月益

都東平東昌順德廣平大名汴梁衛輝等郡蝗 六月

檀霸曹濮高唐太安等州良鄉野城歷陽合肥大寧江

寧句容溧水上元等縣蝗 七月濟南濟寧般陽河中

解絳耀同華等州蝗 八月真定保定河間懷孟等郡

蝗 三年四月鹽山寧津堂邑茌平陽穀高唐禹城七

縣蝗 七月磁州威州饒陽元氏平棘滏陽元城無棣

等縣蝗

仁宗皇慶元年彰德安陽縣蝗 延祐七年六月益都路

蝗

英宗至治元年五月霸州蝗 七月江都泰興古城通許

臨淮盱眙清池等縣蝗 十二月寧海州蝗 二年汴

梁祥符縣蝗有群鷺食之既而復吐積如丘垤冬十二

月清寧蝗 三年五月保定路歸信縣蝗 五年大名

蝗

泰定帝元年永興蝗 六月大都順德東昌衛輝保定益

都濟寧彰德真定般陽廣平大名河間東平等郡蝗

二年汴梁十五縣蝗 五月彰德路蝗 六月德濮曹

景等州歷城章丘淄州柳城等縣蝗 九月濟南

歸德等郡蝗 三年六月東平須城縣與國永興縣蝗

七月大名順德廣平等路趙州曲陽滿城慶都修武

等縣淮安高郵二郡睢泗雄霸等州蝗 八月永平汴

梁懷孟等郡蝗 四年五月洛陽縣有蝗五畝群鳥盡食之越數日又集鳥又食之 六月畿內江南蝗 七

月籍田蝗 八月冠州蝗 十二月保定濟南衛輝濟

寧廬州五路南陽河南二府博野臨淄膠西縣蝗 致

和元年四月大都薊州永平路石城縣鳳翔岐山縣蝗

無麥苗 五月潁州及汲縣蝗 六月武功縣蝗

文宗天曆二年大名路諸州縣開滑諸州蝗 四月河南

大寧興中州懷慶孟州廬州無為州蝗 六月益都莒

密二州蝗 七月真定汴梁永平淮安廬州大寧遼陽

等郡屬邑蝗 三年五月廣平大名般陽濟寧東平汴

梁南陽河南等郡德濮開高唐等州蝗 至順元年六

月真定瀋薊固安博興等州蝗 七月解州華州及河

內靈寶延津等二十二縣蝗 又永城蝗 二年三月

陝州諸縣蝗 六月孟州濟源縣蝗 七月河內閩郭

陝縣奉元蒲城白水等縣蝗

順帝元統二年六月遼西蝗 至元二年七月黃州蝗

三年六月懷孟隰州汴梁陽武縣蝗 五年七月膠州

即墨縣蝗 至正四年歸德府永城縣及亳州蝗 十

二年六月大名蝗 十七年東昌荏平縣蝗 十八年
夏薊州遼州濰州昌邑縣膠州高密縣蝗 秋大都廣
平順德及濰州之北海莒州之蒙陰汴梁之陳留歸德
之永城皆蝗順德九縣民食蝗廣平人相食 十九年
大都霸州通州真定彰德懷慶東昌衛輝河間之臨邑
興州大同寧冀二郡文水榆次壽陽徐溝四縣沂汾二
州孝義平遙介休三縣晉寧二州及壺關潞城襄垣三
縣霍州趙城靈石二縣隰州之永和沁之武鄉遼之榆
杜奉元及汴梁之祥符原武鄆陵扶溝杞尉氏洧川七

縣鄭之滎陽汜水許之長葛郟城襄城臨潁鈞之新鄭
密縣皆蝗食禾稼草木且盡馬不能行坑塹皆盈飢民
捕蝗以為食或曝乾而積之又盡則人相食五月大蝗

七月淮安清河縣飛蝗蔽天自西北來几經七日禾
稼俱盡 二十年益都臨朐壽光三縣鳳翔岐山縣蝗

二十一年六月河南鞏縣蝗食稼俱盡 七月衛輝

及汴梁滎澤縣鄭州蝗 二十二年秋衛輝及汴梁開

封扶溝洧川三縣許州及鈞之新鄭密二縣蝗 二十

五年鳳翔岐山縣蝗 績溪縣有蝗自西北蔽空而下

螟 蝻 蚘 蚘 蚘 蚘

宋寧宗嘉定十四年金華衢州寧波台州温州有蝻賊

十六年秋永州道州螟

金章宗明昌三年秋綏德好蚘蝻生

宣宗貞元四年五月鳳翔扶風岐山郿縣蝻虫傷麥

元世祖至元八年六月遼州和順縣解州聞喜縣好蚘生

十八年高唐夏津武城縣蝻害稼 二十三年五月

霸州灤州蝻 二十四年鞏昌好蚘為災 二十七年

四月婺州螟害稼雷雨大作螟盡死是年大有

按漢志云温而風則生螟蝻有螺蟲之孽

成宗元貞元年六月利州龍山縣益州明山縣螟 大德

九年七月桂陽郡蝻

武宗至大元年五月東平東昌益都等郡蝻

仁宗皇慶二年五月檀州及獲鹿縣蝻 延祐二年處州

螟 七年七月霸州及堂邑縣蝻

泰定帝二年處州螟 四年七月奉元路咸陽興平武功

三縣鳳翔府岐山等縣好蚘害稼

文宗天曆二年淮安廬州安豐三路屬邑螟

順帝至正十年處州螟 十六年處州螟 十九年濟南

章丘鄒平三縣蝻五穀不登 二十二年春衛輝路螟

六月膠水縣好蝻生 七月掖縣好蝻生害稼 二

十三年六月寧海文登縣好蝻生 七月萊州招遠萊

陽二縣及登州寧海州好蝻生

皇明

英宗正統元年丙辰夏四月河北旱蝗 八年五月畿內

旱蝗

憲宗成化三年七月巡撫王恕奏開封彰德衛輝地方蝗

蝻傷稼 九月河間府蝗

世宗嘉靖八年陝西僉事齊之鸞言河南光息蔡穎諸處

及陝西陝關潼關蝗食禾穗殆盡 上下其章于部

鼠妖

元世祖至元二十二年六月馬湖田鼠食稼殆盡總管祠

而祀之鼠悉赴水死

順帝至正十五年湖廣群鼠數十萬越洞庭湖望四川而

去 二十年八月慶遠延安寧安等州野鼠食稼初由

鷄卵化生既成牝牡生育日滋百畝之田一夕俱盡

續文獻通考 卷之三百二十四
二十六 年泗州潁淮兩岸有灰色黑鼠暮夜出穴成群
覆地食禾

皇明

武宗正德初黃州師巫甯均在飛喪崖見一鼠盤旋道上
忽入地穴其下得一鈕銅印上篆扶靈王印用署符呪
能呼風雷後損柄不驗

世宗嘉靖中臨江李鏊授徒湖口所居卑隘而旁有樓崇
敞然封鑰甚固請居之主人曰中有怪物常魔人死鏊
曰邪不勝正安有是理因徙居其中一日外出留一冠

者攝課讀夜分忽一神至貌甚獐惡戴金幘頭絳袍象
簡髯垂至腹冠者懼不敢仰視次日鏊歸言狀鏊曰貴
神福人此貧士之資何懼後果再至袍笏端凝如前顧
鏊作怒鏊趨而進自陳且有祈請神不對但吹鏊左耳
耳即聾鏊怒知不免舉向所備防身大槌盡力擊一中
胸有聲啾然逋去遲明報主來索怪踪跡至北廊垣曲
有大穴一鼠如斗作赤色髯長尺餘稱之重七觔胸有
凝血以中其要害故僅能入穴死王元禎記

續文獻通考卷之二十四終

